

NÓTAÍ

Tugann an sliocht seo a leanas breac-chuntas ar dhá cheann de na Coinníollacha ó na “Tearmaí agus Coinníollacha Ginearálta agus na Coinníollacha Sonracha” atá ann faoi láthair. (Nóta: seachas a bheith uimhrithe mar 1,2 tá a n-uimhreacha tagartha bunaidh (1,2) ar an 2 choinníoll seo mar atá orthu sna Tearmaí & Coinníollacha Ginearálta)

2. Fianaise Aitheantais & Faisnéis Eile

- 2.1 Iarrtar ort d’aitheantas a dheimhniú dúinn (lena n-áirítear do shloinne, do chéadainm, do dháta breithe agus do sheoladh) ó am go ham chun críocha:
 - (a) an Chomhaontaithe (aon Idirbheart san áireamh);
 - (b) riarachán do Tháirge/Tháirgí agus aon Táirge/Táirgí Coigilteas Stáit eile atá agat anois nó a bheidh agat amach anseo, agus
 - (c) cúinsí dlí lena mbaineann, lena n-áirítear comhlíonadh na n-oibleagáidí reachtúla maidir le cosc ar sciúradh airgid agus maoiniú sceimhlitheoirí agus maidir le haon treoir a eisiúnn comhlachtaí rialála ábhartha, agus maidir le slándáil cuntais agus cosc calaíse.
- 2.2 Tíg linn d’aitheantas a fhíorú:
 - (a) go leictreonach (trí thagairt a dhéanamh d’fhaisnéis a thug tú, lena n-áirítear d’Uimhir Phearsanta Seirbhíse Poiblí (UPSP)); nó
 - (b) de lámh (trí thagairt a dhéanamh do cháipéisíocht bhunaidh nó cóip dheimhnithe inghlactha a chuir tú ar fáil, lena bhféadfaí a áireamh do phas reatha, ceadúnas tiomána AE reatha, bille fónais le déanaí, ráiteas bainc le déanaí ó bhanc, cumann foirgníochta nó comhar creidmheasa, do Chárta Seirbhíse Poiblí agus/nó cáipéisíocht oifigiúil eile a d’eisigh na Coimisinéirí loncaim nó an an Roinn Coimirce Sóisialaí duit.)
- 2.3 I gcás nár thug tú fianaise aitheantais sásúil chun na gcríoch atá leagtha amach i gcoinníoll 2.1, cuirfidimid é sin in iúl duit agus ní rachaimid ar aghaidh le d’iarratas chun an Táirge a cheannach go dtí go mbeidh do chéannacht deimhnithe chun ár sástachta.
- 2.4 Is féidir go n-éileoimis ort faisnéis áirithe eile a sholáthar dúinn faoi do náisiúntacht, stádas fostaíochta, foinse cistí (m.sh. coigilteas nó ioncam) agus faisnéis eile chun críocha chomhlíonadh na n-oibleagáidí reachtúla maidir le cosc ar sciúradh airgid agus maoiniú sceimhlitheoirí agus maidir le haon treoir a eisiúnn comhlachtaí rialála ábhartha.
- 2.5 Áit a n-éilítear ort faisnéis a sholáthar de bhun choinníoll 2.4 agus nach bhfuil sé sin déanta agat cuirfidimid comhairle ort agus ní leanfaimid ar aghaidh le d’iarratas ar Tháirge a cheannach go dtí go soláthraítear an fhaisnéis a iarrtar dúinn.

3. Sonraí Pearsanta

- 3.1 Leagann an coinníoll 3 seo (Sonraí Pearsanta) amach achoimre de na sonraí pearsanta a d’fhéadfaimis a phróiseáil fút féin i dtaca leis na Táirgí, mar aon le hachoirne ar do chearta um chosaint sonraí. Tá cóip iomlán dár Ráiteas Cosanta Sonraí Coigilteas Stáit ar fáil ag <https://www.statesavings.ie/help-support/help-articles/state-savings-data-protection-statement>. Dá mb’fhéarr leat cóip chrua den Ráiteas Cosanta Sonraí Coigilteas Stáit a fháil is féidir leat scríobh chugainn freisin chun cóip a iarraidh ag Oifigeach Cosanta Sonraí, Coigilteas Stáit na hÉireann, Ard-Oifig an Phoist, SAORPHOST, Baile Átha Cliath 1, D01 F5P2.
- 3.2 Is é an GBCN Rialaitheoir (mar a shainítear é sa Rialachán Ginearálta maidir le Cosaint Sonraí (RGCS), agus chun na críche sin) na sonraí pearsanta ar fad a thugann tú. Is ‘comhlacht sonraíthe’ atá san Aire Airgeadais agus sa GBCN chun críocha ailt 262 go 270 agus sceideal 5 den Acht Comhdhlúite Leasa Shóisialaigh 2005, arna leasú, faoina bhfuil údarás ag an GBCN agus ag an Aire Airgeadais sonraí pearsanta a phróiseáil, UPSP san áireamh, chun críocha áirithe.
- 3.3 Baileoimid, próiseálfaimid agus úsáidfimid sonraí pearsanta a bhaineann leat, lena n-áirítear do UPSP agus an fhaisnéis dá dtagraítear i gcoinníoll 2 (Fianaise Aitheantais & Faisnéis Eile):
 - (a) de réir mar is gá chun an Comhaontú (aon Idirbheart san áireamh) a fheidhmiú;
 - (b) i gcomhair riarachán do Tháirge/Tháirgí agus aon Táirge/Táirgí Coigilteas Stáit eile atá agat anois nó a bheidh agat amach anseo, agus
 - (c) i gcomhair cúinsí dlí lena mbaineann, lena n-áirítear comhlíonadh na n-oibleagáidí reachtúla maidir le cosc ar sciúradh airgid agus maoiniú sceimhlitheoirí agus maidir le haon treoir a eisiúnn comhlachtaí rialála ábhartha, agus maidir le slándáil cuntais agus cosc calaíse.
- 3.4 Admhaíonn tú bailiúchán, próiseáil agus úsáid do chuid sonraí pearsanta (do UPSP san áireamh) chun na críocha arna leagan amach in 3.3.
- 3.5 Tíg linn féin, lenár nGníomhairí agus aon soláthraithe seirbhíse tríú páirtí ag feidhmiú ar ár son sonraí pearsanta a phróiseáil chun críche an Chomhaontaithe agus chun críocha dlí lena mbaineann agus chun aon chríche eile a bhaineann le feidhmíocht an Chomhaontaithe nó aon ní eile a bhaineann leis go réasúnach.
- 3.6 Coinneoimid do chuid sonraí pearsanta chomh fada is a bhíonn sealúchas agat le Coigilteas Stáit na hÉireann agus seachas sin de réir an dlí um chosaint sonraí agus na hoibleagáidí reachtúla infheidhmithe (lena n-áirítear reachtaíocht a bhaineann le sciúradh airgid agus maoiniú sceimhlitheoirí).
- 3.7 Faoi réir do thola, tíg linn, nó lenár nGníomhairí, do shonraí pearsanta a úsáid chun críche margaiócht a dhéanamh ar Tháirgí Coigilteas Stáit. I gcás go bhfuil níos mó ná Táirge amháin agat, beidh feidhm ag na sainroghanna is déanaí a thug tú le fios ar gach Táirge atá agat lena mbaineann na Tearmaí agus Coinníollacha Ginearálta.
- 3.8 Faoi réir eisceachtaí áirithe i ngach cás, tá sé de cheart agat rochtain a iarraidh agus cóip a fháil de do chuid sonraí pearsanta a choinnímid de réir an GDPR, do chuid sonraí pearsanta a cheartú i gcás go bhfuil siad míchruinn nó míthreorach, srianadh a iarraidh maidir leis an úsáid a bhaintear as do shonraí pearsanta, do thoilú a aistarraingt maidir le próiseáil do shonraí pearsanta, áit a mbraithimid ar do thoilú chun iad a phróiseáil, do chuid sonraí pearsanta a scríosadh, agóid a dhéanamh i gcoinne próiseáil do chuid sonraí pearsanta, iniomparthacht na sonraí i ndáil le do chuid sonraí pearsanta a iarraidh. Más mian leat úsáid a bhaint as ceann ar bith de na cearta seo, déan teagmháil leis an Oifigeach um Chosaint Sonraí, Coigilteas Stáit na hÉireann, Ard-Oifig an Phoist, SAORPHOST, Baile Átha Cliath 1, D01 F5P2.
Tá sé de cheart agat freisin gearán a dhéanamh le an Coimisiún um Chosaint Sonraí. Feic www.dataprotection.ie i gcomhair tuilleadh eolais.